

# Biblia alang sa Kabataan motanyag



Ang Lider sa  
Templo  
Mibisita  
kang Jesus



Gisulat ni: Edward Hughes

Gihulagway ni: Byron Unger; Lazarus  
Alastair Paterson

Gipahaom ni: M. Maillot; Sarah S.

Gihubad ni: Mel Lorell Abugho,  
Cheryn Mabano Abugho


Gipagawas sa: Bible for Children  
[www.M1914.org](http://www.M1914.org)

©2024 Bible for Children, Inc.


Pagtugot: Mahimo kang mokopya o mopatik niini  
nga estorya, ayaw lang ibaligya.




Usa ka adlaw sa dihang niadto si Hesus sa templo, nakita Niya ang mga tawo nga nagpapakaulaw sa Balay sa Dios. Namaligya silag mga mananap ug nagbayloay ug kuwarta diha mismo sa Templo!



Naghimo si Jesus ug latigo gikan sa mga pisi, giabog ni Jesus ang mga tigbaligya pagawas sa Templo.  
"Kuhaa kining mga butanga," Siya mimando. "Ayaw himoa ang Balay sa akong Amahan ug negosyo."  
Kay gihigugma ni Jesus ang Balay sa Iyang Amahan.






Ang mga lider nangayo ug timaan na ipakita nga si Jesus adunay katungod sa paghawan sa Templo. "Gub-a kining templo ug patindugon ko kini sulod sa tulo ka adlaw," si Jesus mitubag. Imposible! Ang Templo mikabat ug kap-atan ug unom ka tuig sa pagtukod.



Apan si Jesus misulti sa  
Iyang lawas. Sama sa Templo,  
ang Iyang lawas mao ang  
pinuy-anan dapit sa Dios.  
Ug bisan pa si Jesus  
mamatay sa krus Siya  
nahibalo nga ang Dios  
mobanhaw Kaniya gikan sa  
kamatayon sa ikatulo  
nga adlaw.





Sa gabii, usa sa mga lider sa templo mibisita kang Jesus. Nahibalo siya pinaagi sa mga milagro nga si Jesus mao ang gipadala sa Dios. Si Nicodemo miduol kang Jesus aron makakat-on ug dugang bahin sa Diyos.





Giingnan ni Jesus si Nicodemo nga ang mga tawo kinahanglang matawo pag-usab aron makasulod sa Ginghamarian sa Diyos. Wala makasabut si Nicodemo. Sa unsang paagi ang usa ka hamtong nga lalaki mahimong usa ka bata pag-usab? Gawas pa, relihiyoso siya. Dili pa ba na igo?







"Kadtong natawo sa espiritu maoy espiritu," si Jesus mipasabot. "Ang Espiritu sa Dios sama sa hangin. Ang mga tawo dili makakita o makasabut sa hangin. Nakita ra nila kung unsa ang gibuhat sa hangin."







Gipahinumdoman ni Jesus si Nicodemo mahitungod sa mga anak sa Israel nga nagreklamo kang Moises kaniadto. "Kami walay pagkaon, walay tubig, ug nagdumot kami sa pan nga gihatag sa Diyos kanamo," sila misinggit.





Ang sala sa mga tawo  
nakapasuko sa Dios. Nagpadala  
siyag mapintas nga mga bitin taliwala  
kanila. Gipaak sa mga bitin ang mga  
tawo. Daghan ang nangamatay.




"Nakasala kami. Pag-ampo nga kuhaon sa *GINOO* ang mga bitin," ang mga tawo napakiluoy. Busa si *Moises* nag-ampo alang kanila. Apan wala kuhaa sa Dios ang mga bitin.



Misulti ang Dios ngadto kang Moises na maghimo ug bitin nga kalayo ug ibutang kini sa usa ka poste. "Ang matag usa nga mapaakan mabuhi kini sa dihang siya motan-aw sa bitin diha sa poste," misaad ang Diyos. Naghimo si Moises ug usa ka bronsi na bitin ug ang mga mitan-aw niini naayo.





Gisultihan ni Jesus si  
Nicodemo nga ang Anak sa

tawo kinahanglang ibayaw  
sama sa bronseng halas.  
Si Jesus naghisgot  
sa krus diin Siya  
mamatay alang sa  
mga makasasala.





Si Jesus miingon,

"Gihigugma pag-ayo  
sa Diyos ang kalibotan nga  
gihatag Niya ang Iyang  
bugtong nga Anak, nga  
kadtong bisan kinsa mituo  
Kaniya dili dapat  
mamatay kon dili  
adunay walay  
katupusang  
kinabuhi."






Kini nagpasabot nga  
bisan kinsa nga motuo  
kang Hesus mao ang  
natawo ngadto sa  
pamilya sa Dios.






Tingali si Nicodemo wala mamahimong disipulo ni Jesus niadtong gabhiona. Apan milabay ang mga tuig, gipakita ni Nicodemo nga siya nahigugma ug mituo kang Jesus pinaagi sa pagtabang sa paglubong sa gilansang nga Anak sa Dios.



Human niini, si Jesus ug ang iyang mga disipulo mipanaw paingon sa amihanan. Ang ubang mga tawo kinahanglang makadungog bahin sa Ginghamarian sa Diyos, ug makabaton ug kahigayonan sa pagtuo kang Jesus nga taga-Nazaret, ang Anak sa Diyos.



Ang Lider sa Templo Mibisita kang Jesus  
Estorya gikan sa Pulong sa Dios, ang Biblia,  
makita sa

Juan 2-3 and Numeros 21

"Ang pag-abot sa Imong mga Pulong  
nagahatag og kahayag." Salmo 119:130



# Ang Kataposan



41



60



Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:  
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

